

**JAMHURI YA MUUNGANO WA TANZANIA**

**BUNGE LA TANZANIA**



**ORODHA YA SHUGHULI ZA LEO**

**MKUTANO WA KUMI NA NNE**

**KIKAO CHA NNE**

01 FEBRUARI, 2019



## ORODHA YA SHUGHULI ZA LEO

### MKUTANO WA KUMI NA NNE

KIKAO CHA NNE – TAREHE 01 FEBRUARI, 2019

I. DUA:

II. HATI ZA KUWASILISHA MEZANI:

**MWENYEKITI WA KAMATI YA KUDUMU YA BUNGE YA HESABU ZA SERIKALI:**

Taarifa ya Kamati ya Kudumu ya Bunge ya Hesabu za Serikali kuhusu Shughuli za Kamati kwa Mwaka 2018.

**MWENYEKITI WA KAMATI YA KUDUMU YA BUNGE YA HESABU ZA SERIKALI ZA MITAA:**

Taarifa ya Kamati ya Kudumu ya Bunge ya Hesabu za Serikali za Mitaa kuhusu Usimamizi wa Matumizi ya Fedha za Umma katika Serikali za Mitaa kwa Mwaka wa Fedha ulioishia tarehe 30 Juni, 2017.

### **III. MASWALI:**

#### **OFISI YA WAZIRI MKUU:**

#### **37. MHESHIMIWA MASOUD ABDALLAH SALIM (MTAMBILE):**

Atamuuliza Mheshimiwa Waziri Mkuu:- Tume ya kudhibiti UKIMWI (TACAIDS) ina mikakati mbalimbali ya kupunguza maambukizi mapya ya UKIMWI (VVU):-

Je, Serikali ina mkakati gani wa ziada kuhakikisha kuwa Kampeni ya Mpango wa asilimia (90, 90, 90) inafanikiwa hasa ikizingatiwa kuwa Jiji la Dodoma UKIMWI umeongezeka.

#### **OFISI YA RAIS (TAMISEMI):**

#### **38. MHESHIMIWA PROSPER JOSEPH MBENA (MOROGORO KUSINI):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Vigezo vilivyotumika kuchagua Vituo vya Afya 100 kupatiwa Sh. milioni 700 kwa ajili ya kukamilisha ujenzi wa

Maabara na upasuaji wa Akina Mama wanaojifungua; kwa maana ya Sh. 400 milioni kwa ajili ya Maabara na Upasuaji na Sh. 300 milioni kwa ajili ya ununuzi wa Dawa na Vifaa toka MSD ni vigezo ambavyo pia viko katika Vituo vya Afya Duthumi, Tawa, Mvula na Mtamba katika Jimbo la Morogoro Kusini:-

Je, ni lini Serikali itawatendea haki Wananchi wa Morogoro Kusini kwa kuwatengea fedha ili kukamilisha miundombinu ya upasuaji angalau Kituo kimoja Kata ya Duthumi, Tawa, Mvuha na Mtamba.

**OFISI YA MAKAMU WA RAIS (MUUNGANO NA MAZINGIRA):**

**39. MHESHIMIWA DKT. SAADA SALUM MKUYA (WELEZO):**

Atamuuliza Mheshimiwa Waziri wa Nchi Ofisi ya Makamu wa Rais (Muungano na Mazingira):- Kumekuwa na changamoto mbalimbali katika Muungano ambazo zinaendelea kutatuliwa mojawapo ikiwa ni ajira za Muungano ziwe asilimia 21 kwa upande wa Zanzibar:-

(a) Je, ni kwa kiasi gani makubaliano hayo yametokelezwa hadi sasa;

- (b) Je, ni ajira ngapi zimepatikana kwa utaratibu huu.

**WIZARA YA MIFUGO NA UVUVI:**

**40. MHESHIMIWA ZITTO RUYAGWA KABWE (KIGOMA MJINI):**

Atamuuliza Mheshimiwa Waziri wa Mifugo na Uvuvi:-

- (a) Je, ni kwa nini Serikali ya Tanzania inazuia Wawekezaji wa uvuvi kuvua kwa kutumia *purse seiner* katika Ziwa Tanganyika ilihali nchi za Burundi, Zambia na DRC zinazopakana za Ziwa hilo huruhusu uvuvi huo;

- (b) Je, kwa nini Serikali inawaelekeza Wawekezaji wa uvuvi katika Ziwa Tanganyika kuhamisha uwekezaji wao na kuupeleka mahali pengine nchini, na je, huu sio mkakati wa kukwamisha maendeleo ya Mkoa wa Kigoma na Watu wake.

**41. MHESHIMIWA ANGELINA ADAM MALEMBEKA (VITI MAALUM):**

Atamuuliza Mheshimiwa Waziri wa Mifugo na Uvuvi:- Serikali ilikuwa na nia ya kuanzisha Ranchi za Taifa katika maeneo mbalimbali:-

(a) Je, kuna Ranchi ngapi na kati ya hizo ngapi zimebinafsishwa na ngapi zinatumika kwa malengo yaliyokusudiwa;

(b) Kwa siku za nyuma Ranchi ya Kongwa na Ranchi ya Ruvu mifugo ilikuwa inaonekana hata ukipita barabarani hali hiyo sasa haipo. Je, kuna tatizo gani;

**42. MHESHIMIWA VEDASTUS MATHAYO MANYINYI (MUSOMA MJINI):**

Atamuuliza Mheshimiwa Waziri wa Mifugo na Uvuvi:- Uvuvi haramu bado unaendelea licha ya adhabu kubwa inayotolewa kwa watu wanaojihusisha nao:-

(a) Je, Serikali ina mkakati gani katika kuwasaidia Wananchi wake wanaojihusisha na uvuvi huo kutumia fursa zilizopo badala ya kutoa adhabu kali zinazowaumiza;

(b) Je, Serikali inavisaidiaje Vikundi vya *Beach Management Unit* vinavyojihusisha

na ulinzi na utunzaji wa Samaki ili viweze kuona faida ya kazi wanazofanya.

**WIZARA YA AFYA, MAENDELEO YA JAMII, JINSIA, WAZEE NA WATOTO:**

**43. MHESHIMIWA AMINA SALEH MOLLEL (VITI MAALUM):**

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Tatizo la kukosekana kwa mafuta yanayosaidia kukinga ngozi dhidi ya mionzi kwa watu wenye Ulemavu wa Ngozi hapa nchini limekuwa kubwa na hivyo kuwa chanzo cha magonjwa ya saratani kwa watu hao na kusababisha vifo. Inakadiriwa kuwa asilimia 70 hadi 75 ya vifo vya watu wenye Ulemavu wa Ngozi vinatokana na saratani.

Je, ni lini Serikali itatoa huduma hiyo bure kwa watu wenye Ulemavu wa Ngozi katika maeneo yote nchini kama inavyotoa Dawa za kufubaza virusi kwa watu wenye maambukizi ya UKIMWI.

**44. MHESHIMIWA TASKA RESTITUTA MBOGO (VITI MAALUM):**

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Tanzania haina Wauguzi waliosomea kuhudumia Watoto Njiti:-

(a) Je, ni lini sasa Serikali itasomesha Wauguzi kwa ajili ya kuhudumia Watoto Njiti;

(b) Je, kuna Hospitali ngapi na Vituo vya Afya vingapi nchini vyenye chumba atamizi (*incubator*);

(c) Gharama za kuwatunza Watoto Njiti ni kubwa na wanakaa Hospitali muda mrefu kwa miezi mitatu hadi minne, Je, Serikali ina mkakati gani wa kutenga fedha kwa ajili ya kuwasaidia Akina Mama wanaojifungua Watoto Njiti.

**WIZARA YA UJENZI, UCHUKUZI NA MAWASILIANO:**

**45. MHESHIMIWA ORAN MANASE NJEZA (MBEYA VIJIJINI):**

Atamuuliza Mheshimiwa Waziri wa Ujenzi, Uchukuzi na Mawasiliano:- Wilaya ya Mbeya, Mkoa wa Mbeya na Wilaya za Ileje na Songwe Mkoa wa Songwe zinaunganishwa kwa barabara za vumbi kuanzia Mbalizi



kuelekea Ilembo, Iwinji hadi Ileje na Mbalizi  
kuelekea Mshewe:-

- (a) Je, ni lini Serikali itaunganisha barabara hizo kwa lami;
- (b) Je, ni lini Serikali italipa fidia Wananchi waliopisha upanuzi wa barabara za Mbalizi, Mshewe, Mjele hadi Mkwajuni Songwe.

**WIZARA YA MALIASILI NA UTALII:**

**46. MHESHIMIWA ZUBERI MOHAMED KUCHAUKA (LIWALE):**

Atamuuliza Mheshimiwa Waziri wa Maliasili na Utalii:- Msitu wa Nyera – Kipelele ni miongoni mwa misitu ya asili iliyopo Wilaya ya Liwale. Serikali imekuwa ikiandaa taratibu za uvunaji wa mazao ya msitu huo:-

- (a) Je, taratibu hizo zitakamilika lini;
- (b) Je, Serikali imepata manufaa gani kutokana na uhifadhi wa Msitu huo.

**47. MHESHIMIWA PROF. NORMAN ADAMSON SIGALLA (MAKETE):**

Atamuuliza Mheshimiwa Waziri wa Maliasili na Utalii:- Ili kuboresha utalii katika Hifadhi ya

Kitulo, Serikali iliahidi kupeleka Wanyama wasio wakali yaani Pundamilia 25 lakini mpaka sasa bado Wanyama hao hawajapelekwa licha ya Serikali kuahidi kuwa itatekeleza mwezi Mei na Juni mwaka 2018:-

(a) Je, ni lini Serikali itatekeleza ahadi hiyo;

(b) Je, ni lini Serikali itaongeza aina ya Wanyama kama vile Paa na Swala.

## **WIZARA YA MAMBO YA NDANI YA NCHI:**

### **48. MHESHIMIWA BHAGHWANJI MAGANLAL MEISURIA (CHWAKA):**

Atamuuliza Mheshimiwa Waziri wa Mambo ya Ndani ya Nchi:- Kituo cha Polisi Chwaka na Kituo cha Polisi Jozani vina tatizo kubwa la gari la kufanyia doria na ulinzi:-

Je, Serikali ina mpango gani wa kusaidia upatikanaji wa magari mawili kwa Vituo hivyo katika bajeti ya 2018/2019.

### **49. MHESHIMIWA ASHA ABDULLAH JUMA (VITI MAALUM):**

Atamuuliza Mheshimiwa Waziri wa Mambo ya Ndani ya Nchi:- Kuna harufu mbaya inayotoka kwenye chumba cha Mahabusu katika Kituo cha Polisi Mazizini Zanzibar na

kuwa kero kwa Askari na Wananchi wanaofika kupata huduma Kituoni hapo:-

Je, ni lini Serikali itakifanyia ukarabati Kituo hicho ili kuondoa harufu hiyo.

**WIZARA YA FEDHA NA MIPANGO:**

**50. MHESHIMIWA HALIMA ABDALLAH BULEMBO (VITI MAALUM):**

Atamuuliza Mheshimiwa Waziri wa Fedha na Mipango:- Kagera ni moja ya Mikoa mitano maskini zaidi nchini kutokana na utafiti uliofanywa na Bwana Joachim De Weeidt na kuchapishwa kwenye Jarida la *Journal of Development Studies* ambao unaonyesha kuwa kuna njia mbili za kuondoa umaskini Kagera ambazo ni Kilimo na Biashara:-

- Je, Serikali ina mkakati gani wa kuwa na miradi maalum ya kuondoa umaskini kwa Watu wa Kagera ambao ndio Mkoa pekee unaopakana na nchi nyingi zaidi za EAC na hivyo kuufanya kuwa Mkoa wa kimkakati kibiashara.

**WIZARA YA MAJI NA UMWAGILIAJI:**

**51. MHESHIMIWA SUZANA CHOGISASI MGONOKULIMA (VITI MAALUM):**

Atamuuliza Mheshimiwa Waziri wa Maji na Umwagiliaji:-

Je, Serikali inasema nini kuhusu Mradi wa Maji kutoka Ibofye kwenda Magulilwa, Kuhota, Lyamgun'we, Ifunda ambao ulipitishiwa bajeti na Bunge.

**WIZARA YA NISHATI:**

**52. MHESHIMIWA JOSEPH LEONARD HAULE (MIKUMI):**

Atamuuliza Mheshimiwa Waziri wa Nishati:- Jimbo la Mikumi linaitwa Jimbo la giza kutokana na Kata zake nyingi kutokuwa na umeme, kama Kata ya Ulaya, Zombo, Tindiga, Mhenda, Kilangali, Vidunda n.k.

Je, ni lini Serikali itapeleka umeme katika Jimbo hilo ambalo limebarikiwa kuwa na Mbuga za Wanyama na vivutio kadha wa kadha.

**IV. HOJA ZA KAMATI:**

**MWENYEKITI WA KAMATI YA KUDUMU YA BUNGE YA HESABU ZA SERIKALI:**

Kwamba Bunge sasa lipokee na kukubali Taarifa ya Kamati ya Kudumu ya Bunge ya Hesabu za Serikali kuhusu Shughuli za Kamati kwa Mwaka 2018.

**MWENYEKITI WA KAMATI YA KUDUMU YA BUNGE YA HESABU ZA SERIKALI ZA MITAA:**

Kwamba Bunge sasa lipokee na kukubali Taarifa ya Kamati ya Kudumu ya Bunge ya Hesabu za Serikali za Mitaa kuhusu Shughuli za Kamati kwa Mwaka 2018.

**DODOMA  
01 FEBRUARI, 2019**

**S. KAGAIGAI  
KATIBU WA BUNGE**

